

Ataatsimiinnermi oqaluuserisassat:

- Imm. 00 Siulequt
- Imm. 01 Oqaluuserisassat akuersissutigineri
- Imm. 02 Kommunalbestyrelsimiit tunuarnissamik qinnuteqaat – Pele Broberg
- Imm. 03 Borgmesterimik qinersineq
- Imm. 04 Ataatsimiititalianut ilaasortassanik qinersinermut atatillugu qinerseqatigiinnissamik nalunaarnerit
- Imm. 05 Borgmesterip tullianik aamma borgmesterip tulliaata aappaannik qinersineq
- Imm. 06 Qeqqata Kommuniiani kommunip susassaqaarfiinik aqutsinermik ileqqoreqqusamik allannguinnissamut siunnersuut
- Imm. 07 Qeqqata Kommuniiani kommunalbestyrelsip suloriusanik allannguinnissamut siunnersuut
- Imm. 08 Aningaasaqarnermut ataatsimiititaliami ilaasortassanik qinersineq
- Imm. 09 Atugarissaarnermi Ataatsimiititaliami ilaasortassanik sinniisussanillu toqqaaneq
- Imm. 10 Ilinniartitaanermut Ataatsimiititaliami ilaasortassanik sinniisussanillu toqqaaneq
- Imm. 11 Teknikkeqarnermut Ataatsimiititaliami ilaasortassanik sinniisussanillu toqqaaneq
- Imm. 12 Aalisarnermut Piniarnermut Nunaqaarfiillu pillugit Ataatsimiititaliami ilaasortassanik sinniisussanillu toqqaaneq
- Imm. 13 Kommunalbestyrelsimut, nunaqaarfinni aqutsisunut ilagiillu sinniisaannik qinersinermik siulersuisunut ilaasortassanik qinersineq
- Imm. 14 Inatsisartunut qinersinermut
- Imm. 15 Sisimiuni Kulturikkut illorsuup Taseraliup siulersuisuinut ilaasortassanik qinersineq
- Imm. 16 Sisimiuni Timersortarfiup siulersuisuinut ilaasortassanik qinersineq
- Imm. 17 Maniitsup Timersortarfiata siulersuisuinut ilaasortassanik qinersineq
- Imm. 18 Maniitsup Katersortarfiata siulersuisuinut ilaasortassanik qinersineq**
- Imm. 19 "Maniitsumi Naluttarfik"-mut ilaasortassamik qinersineq
- Imm. 20 Sisimiuni Knud Rasmussenip Højskoleata siulersuisuinut ilaasortassamik qinersineq
- Imm. 21 Arctic Circle Race-imut siulersuisunut ilaasortassamik qinersineq
- Imm. 22 Aningaasaqarnermut ataatsimiititaliap kommunalbestyrelsillu 2021-imi ataatsimiiffissaannut siunnersuut
- Imm. 23 Tamalaat

Ataatsimiinneq Sisimiuni kommunalbestyrelsip ataatsimiittarfiani ingerlanneqassaaq nal. 13:00

Peqataasut:

Atassut

Bitten Heilmann, Maniitsoq

Demokraatit

Rachel Ingemann, Sisimiut

Erne Olsen, Sisimiut

Inuit Ataqatigiit

Nivi H. Efraimsen, Sisimiut

Juliane Enoksen, Sisimiut

Naleraq

Pele Broberg, Sisimiut

Steffen Johansen, Sisimiut

Karl Lyberth, Maniitsoq

Nathan Møller, Maniitsoq

Siumut

Malik Berthelsen, Sisimiut

Evelyn Frederiksen, Sisimiut

Barnabas Larsen, Kangaamiut

Gideon Lyberth, Maniitsoq

Hans Frederik Olsen, Sisimiut

Charlotte Olsen, Sisimiut

Imm. 00 Siulequt

Kommunit aqunneqarnerat pillugu Inatsisartut inatsisaat nr. 29, 17. november 2017-meersumi (aqutsinermi inatsit) § 4 imm. 1-imi immikkoortup aappaa malillugu, ataatsimiigiaqqusineq allaganngorlugu kommunalbestyrelsimi sivilunerpaamik ilaasortaasimasumit isumagineqassaaq, sivilunerpaamillu ilaasortaasimasut arlaqarpata, taava taakkua angajullersaannit.

Qeqqata Kommuniani kommunalbestyrelsimut sivilunerpaamik ilaasortani angajullersaq tassaavoq Evelyn Mølgaard.

Aqutsinermut inatsimmi §§ 3-4 malillugit kommunalbestyrelsen inissitsiternera pissaaq.

Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 27, 28. november 2016-meersumi (qinersinermi inatsit) §§ 49-52 malillugit Qinersinermut Ataatsimiititaliamut inissat agguannerannut tunngasumik ataatsimik naammagittaalliortoqarpoq.

Qinersinermut ataatsimiititaliaq naammagittaalliummut akissuteqaatiliorput, inissallu kisitseriuseq d'hondt atorlugu agguanneqarnerannut Qinersinermut siulersuisut aalajangiinera ilalerlugu aalangersarpaat.

Ilisimatitsissutitut aamma nalunaarutigineqassaaq, soorlu ullormut oqaluuserisassani takuneqarsinnaasoq, aningaasaqarnermut ataatsimiititaliamut qinersisoqassasoq ataatsimiititalianullu allanut, kommissioninut, siulersuinut taamaaqataannullu aamma toqqaasoqassalluni. Maj-ip 22-ani 2025-mi Qeqqata Kommuniani kommunip susassaqaarfiinik aqutsinermik ileqqoreqqusanik allannguissamut siunnersuut aappassaaneqarluni akuersissutigineqassaaq.

Aalajangiineq

Tusaatissatut tiguneqarpoq.

Ilanngussaq

Kommunit aqunneqarnerat pillugu Inatsisartut inatsisaat nr. 29, 17. november 2017-meersoq

Imm. 01 Oqaluuserisassat akuerineqarneri

Aalajangiineq

Imm. 18 oqaluuserisassaniit peerneqarpoq.

Oqaluuserisassat akuersissutigineqarput.



Imm. 02 Kommunalbestyrelsimiit tunuarnissamik qinnuteqaat – Pele Broberg

Journalnr. 01.01.03

Tunuliaqutaq

Ilaqutariit Nuummur nuunnertik pissutigalugu Kommunalbestyrelsimiit tunuarnissaminik Pele Broberg qinnuteqarpoq.

Maleruagassatigut tunngavissat

Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 27, 28. november 2016-imeersoq § 54 ima allassimavoq:

Imm.1 Ilaasorta qinigaaffiup iluani kommunalbestyrelsimiit tunuarniarluni qinnuteqarpat, qinnuteqaat taamaattoq qanoq kinguneqartinneqassanersoq kommunalbestyrelsip aalajangissavaa.

Imm. 2. Qinnuteqaat ilaasortap peqqissusaata qanoq issusianik tunngavilersorneqarpat, sulianik assigisaanilluunniit pingaaruteqartunik pissuteqarpat, pineqartup ilaasortaanissaanut ajornarnerulersitsippat, qinnuteqaat naliginnaasumik akuerineqassaaq.

Pissutsit atuuttut

Qinnuteqaat tunngavissaqarluarmat, qinnuteqaat akuerineqartariaqarpoq.

Pele Broberg-ip kommunalbestyrelsimi qinikkatut tunuarnerani, Naleqqamiit sinniisussatut allattorsimaffik naapertorlugu, siullertut allassimasoq Jens Lyberth kommunalbestyrelsimi ilaasortanngussaaq.

Innersuussut

Kommunimi Pisortaanerup kommunalbestyrelsimut tullinnguuttut akuerisassanngorlugit innersuussutigai;

1. Kommunalbestyrelsip akuersissutigissagaa Pele broberg-ip Kommunalbestyrelsimiit tunuarniuteqarnera
2. Jens Lyberth Kommunalbestyrelsimi ilaasortanngussasoq

Aalajangiineq

Innersuussutigineqartut akuersissutigineqarput.

Ilanngussaq

1. Pele Broberg Kommunalbestyrelsimiit tunuarnissaminik qinnuteqaataa ulloqartoq 15. april 2025
2. Kommunalbestyrelsinut, nunaqarfinni aqutsisunut ilagiillu sinniisaannut Inatsisartut inatsisaat nr.27, 28. november 2016-imeersoq

Imm. 03 Borgmesterimik qinersineq

Borgmesterimik qinersineq, aqutsinermi inatsimmi § 4 imm. 2 malillugu, kommunalbestyrelsimi sivisunerpaamik ilaasortaasimasumit aqunneqassaaq.

Evelyn Mølgaard, Qeqqata Kommuniani kommunalbestyrelsimut qinigaasuni sivisunerpaamik ilaasortat akornanni angajullersatut borgmesterimik qinersineq aqussavaa.

Aqutsinermi inatsimmi §§ 6 aamma 7 malillugit kommunalbestyrelsi borgmesterimik, borgmesterip tullianik borgmesterillu tulliaata aappaanik qinersissapput.

Borgmesterimik qinersineq, aqutsinermi inatsimmi § 6, imm. 2 malillugu, qinigassanngortittoq borgmesteritut qinigaassaaq najuuttuni taasisut affaannit amerlanerusunit qinerneqaruni (amerlanerussuteqavinnerq), tassa ilaasortat tamarmiullutik peqataappata taasisut 8-sariaqarlutik.

Taamatut amerlanerussuteqarneq anguneqanngippat, nutaamik taasineqassaaq.

Aappasaanik taasinerimi qineqqusaartut arlaat amerlanerussuteqarpat taasinermiluunniit tassani ataa-siinnaq taaneqarsimappat, pineqartoq qinigaassaaq.

Aappasaanik taasineq aalajangiisoqarfiunngippat, aappasaanik taasinerimi amerlanerussuteqartut marluk taasissutigineqassapput, taakkulu (pingajussaanik) qinersinermi amerlaqatigiinnik qinerneqar-pata makitsinikkut aalajangiiffigineqassallutik.

Pingajussaanik qinersinermi taasisut naligiippata, makitsinikkut aalajangiisoqassaaq.

Aalajangiineq

Inuit Ataqtigiit Malik Berthelsen innersuussutigivaat.

Siumut Malik borgmesteritut innersuussutigivaat.

Taasinermi inernerit

Naleraq taaseqataannigilaq

Demokraatit taaseqataannigillaq

Atassut taaseqataannigilaq

Init Ataqtigiit aamma Siumut innersuunneqartoq akueralugu taasippat.

Taasinermi arfineq pingasut (8) akersippat

Taasinnginnerit arfineq maluk (7)

Malik Berthelsen, Siumut borgmesteritut toqqarneqarpoq.

**Imm. 04 Ataatsimiititalianut ilaasortassanik qinersinermut atatillugu qinerseqatigiinnissamik
nalunaarnerit**

Aqutsinermut inatsimmi § 36 naapertorlugu ataatsimiititalianut il.il. marlunnik amerlanerusunilluunniit ilaasortaasussalinnut qinersinermi, ataatsimiititaliat ataasiakkaarlugit taasisut amerlassusii tunngavigalugit agguassineqassaaq.

Ataatsimiititalianut il.il. siulittaasup pinngitsoorani siulittaasuuffigisassaanut ilaasortaasussanik qinersinermi, qinerseqatigiit amerlassusii tunngavigalugit agguaanermi, agguaanermi borgmesteri qinerseqatigisaanut ilanngullugu naatsorsuineqassaaq (§ 36 imm. 2).

Qinerseqatigiinnermi qanoq amerlassuseqarneq tunngavigalugu agguaaq malittarisassat (§ 36 imm. 4) naapertorlugit d'Hondts-ip agguaaariaasia toqqammavigineqassaaq:

Kommunalbestyrelsimut ilaasortat qinerseqatigiittussanut agguarneqassapput, qinersinermilu aalajangersimasumi qinerseqatigiinniat siulittaasumut qinerseqatigiinnertik nalunaarutigissallugu. Qinerseqatigiit amerlassusaat 1-mik, 2-mik, 3-mik il.il. avinneqartassapput. Tamatuma kingorna inernerisigut, qinerseqatigiit kimik toqqaasinnaanerisa tulleriiaarneri paasineqassapput. Inernerit 2 amerlanerusuluunniit naligiippata tulleriiaarneq makitsinikkut aalajangerneqassaaq.

Qinerseqatigiit sinniisuutitassaasa amerlassusissaat aalajangerneqareerpat, qinerseqatigiit kikkut inissarititamminnut sorlernut toqqarsimallugit piaartumik borgmesterimut nalunaarutigissavaat. Qinerseqatigiit arlaata sinniisoqartitsisinaanertik atorumanngippassuk, inissaalersut qinerseqatigiinnut sinneruttunut siuliani agguaaq malillugu agguanneqassapput.

Aningaasaqarnermut ataatsimiititaliamik pilersitsinermi imm. 08-mi, sinniisussat peqatigitillugit toqqarneqassapput, taakkulu ilaasortaasup peqataasinnaannginnerani ataatsimiigiaqquneqarsinnaassallutik. Maj-ip 22-ani 2025-mi Qeqqata Kommuniani kommunip susassaarfiinik aqutsinermik ileqqoreqqusanik allannguinnissamut siunnersuut aappassaaneqassaaq.

Aalajangiineq

Ilisimatitsissutigineqarpoq Siumut aamma Inuit Ataqaatigiit teknikkikkut suleqatigiittut aammalu Naleraq, demokratit Atassullu teknikkikkut suleqatigiittut.

Imm. 05 Borgmesterip tullianik aamma borgmesterip tulliat aappaannik qinersineq

Qinersineq borgmesterimit qinigaqqammersumit aqunneqassaaq, peqataangippallu ilaasortamit borgmesterimik qinersinermut aqutsisumit aqunneqassalluni, aqutsinermullu inatsimmi § 6, imm. 4-mi malittarisassat naapertorlugit pissalluni.

Qinerseqatigiinnermi qanoq amerlassuseqarneq tunngavigalugu qinersineq ingerlanneqassaaq, takuuk § 36 imm. 4.

Borgmesterimik aamma borgmesterip tullianik qinersineq kommunalbestyrelsip piffissami qinigaaffiani atuutissaaq

Aalajangiineq

Suleqatigiit Gideon Lyberth borgmesteri tulliatut siullertut innersuuppaat.

Illuatungiliuttut Rachel Ingemann borgmesterip tulliatut aappaatut innersuuppaat.

Kommunalbestyrelsip innersuussutit akueraat.

**Imm. 06 Qeqqata Kommuniani kommunip susassa qarfiinik aqutsinermik ileqqoreqqusanik
allannguinnissamut siunnersuut**

Journalnr. 01.00.01

Tunuliaqutaq

Aqutsinermi inatsit § 1, imm. 2 naapertorlugu, aqutsinermik ileqqoreqqusamut nutaamut imaluunniit allannguutissatut siunnersuut kommunalbestyrelsimi marloriarluni, tassa minnerpaamik ulluni 14-ini akuttussuseqartumik suliarineqassaaq.

Maleruagassatigut tunngavissaq

Kommunit aqunneqarnerat pillugu Inatsisartut inatsisaat nr. 29, 17. november 2017-meersoq (aqutsinermi inatsit)

Pissutsit atuuttut

§24, imm. 1 malillugu kommunimi suliassa tit isumagineqarnissaat siunertaralugu kommunalbestyrelsi aningaasaqarnermut ataatsimiititaliamik pilersitsissaaq.

Tamatuma saniatigut ataatsimiititaliamik ataavartunik kommunalbestyrelsi pilersitsisinnaavoq, taakkualu katitigaanissaat suliassaallu aqutsinermut ileqqoreqqusami aalajangersarneqassaaq.

Ataatsimiititaliat ataavartut tulluuttut pilersinneqassapput:

1. Atugarissaarnermut Ataatsimiititaliaq, tallimanik ilaasortalik.
2. Ilinniartitaanermut Ataatsimiititaliaq, tallimanik ilaasortalik.
3. Teknikkeqarnermut Ataatsimiititaliaq, tallimanik ilaasortalik.
4. Aalisarnermut Piniarnermullu ataatsimiititaliaq, tallimanik ilaasortalik.

Aningaasaqarnikkut allaffissornikkullu kingunerisinnaasai

Ataatsimiititaliat pilersinneratigut aningaasaqarnikkut allaffissornikkullu kingunerisinnaasanik soqanngilaq.

Innersuussut

Kommunalbestyrelsimi aqutsinermut ileqqoreqqusaaq siullermeerlugu suliarineqassasoq, 2025-milu maj-ip 22-ani aappassaaneer neqarnissaanut allannguutissaqarner soq saqqummiussisoqassasoq, allaffeqarfimmit innersuussutigineqarpoq.

Aalajangiineq

Innersuussitit akuersissutigineqarput.

Ilanngussaq

1. Qeqqata Kommuniani aqutsinermut ileqqoreqqusanut siunnersuut

**Imm. 07 Qeqqata Kommuniani kommunalbestyrelsip suleriesianik allannguissamut
siunnersuut**

Journalnr. 01.00.01

Tunuliaqutaq

Aqutsinermi inatsit § 1, imm. 3 naapertorlugu, kommunalbestyrelsi suleriesissaminik nammineq aalajangersaasussaavoq.

Maleruagassatigut tunngavissaq

Kommunit aqunneqarnerat pillugu Inatsisartut inatsisaat nr. 29, 17. november 2017-meersoq (aqutsinermi inatsit)

Pissutsit atuuttut

Suleriuutsimi kommunalbestyrelsip ataatsimiinneri, oqaluuserisassanik nassiussuinerit, aalajangiisinnaassuseq, ilaasortat peqataanissaat il.il. aalajangersorneqarput.

Suleriuseq aqutsinermi inatsit naapertorlugu nutarterneqarnikuuvoq, siulianullu sanilliullugu sukumiinerulluni.

Ilanngunneqartut ilaatigut ataatsimiinnerni matoqqasuni peqataasut nipangiussisimasussaataanerini, kommunalbestyrelsip ataatsimiinnissaanik piffissamik sumiiffissanillu aalajangersuisussaananerani, kommunalbestyrelsip ataatsimiinnerani sulianik ammasunik eqqartuinerani byrådssaalimit toqqaannartumik aallakaatitsisinaanermik aalajangersakkanik ilaqarpoq.

Aningaasaqarnikkut allaffissornikkullu kingunerisinnaasai

Suleriutsip allanngornerani aningaasaqarnikkut allaffissornikkullu kingunerisinnaasanik soqanngilaq.

Innersuussut

Qeqqata Kommuniani kommunalbestyrelsip suleriesianik allannguissamut siunnersuut akuerineqassasoq allaffeqarfimmit innersuussutigineqarpoq.

Aalajangiineq

Innersuussutit akuersissutigineqarput.

Ilanngussaq

2. Qeqqata Kommuniani kommunalbestyrelsip suleriesianik allannguissamut siunnersuut

Imm. 08 Aningaasaqarnermut ataatsimiititaliami ilaasortassanik qinersineq

Ataatsimiititaliaq aqutsinermut inatsimmi § 24 naapertorlugu pilersinneqassaaq kommunimi suliaasaatit isumagineqarnissaat siunertaralugu, tassanilu Borgmesteri pinngitsoorani siulittaasuusussaavoq.

Aningaasaqarnermut ataatsimiititaliap tulliuttut isumagisussaavai:

- 1) Kommunip iluani suliaasaqarfinni tamani aningaasaqarnikkut allaffissornikkullu ingerlatsinermi nakkutilliisuuneq. Suliani taakkunani aningaasaqarnermut ataatsimiititaliap oqaaseqaataa piumaneqartassaaq, suliap kommunalbestyrelsimut aalajangiiffigisassanngorlugu saqqummiunneqannginnerani.
- 2) Akissarsianut sulisoqarnermullu tunngasuni suliaasanik tamakkiisumik isumaginninneq, tassunga ilaallutik kommunimi sulisorisanik atorfinittisarneq soraarsittisarnerlu, taamaallaat kommunaldirektørimik atorfinittisarneq soraarsittisarnerlu pinnagit, suliaq taanna kommunalbestyrelsimut isumagineqartussaammat.
- 3) Suliat kommunip aningaasaqarneranut naatsorsuuserineranullu attuumassuteqartut.
- 4) Aningaasaqarnermik pilersaarusiornermut, ataatsimiititaliat ataavartut kommunalbestyrelsimut inassuteqartarnerannut pituttuisunik, nalinginnaasumik tunngavissiorneq
- 5) Aningaasaqarnermut ataatsimiititaliap isumagissavaa ataqatigiissaassalluguluunniit kommunip immikkoortunut pilersaarusiornera, ataatsimut atorneqartussanik pilersaarusiornermut maleruagassiornermigut paasissutissallu qanoq annertussuseqarnissaannut aalajangersaanermigut.

Imm. 2. Aningaasaqarnermut ataatsimiititaliap aamma kommunip ingerlatsiviisa allat aquneqarnerat isumagisarisinnaavaa. Kommunip ingerlatsiviisa allat aquneqarnerannik aningaasaqarnermut ataatsimiititaliaq isumaginnittuussappat, aqutsinermut maleruagassani aalajangersarneqarsinnaavoq aningaasaqarnermut ataatsimiititaliaq suliaasut naapertorlugit taaguuteqartinneqassasoq.

Imm. 3. Kommunalbestyrelsimut ilaasortat aningaasaqarnermut ataatsimiititaliami ilaasortaanngitsut pisinnaatitaapput ataatsimiititaliap ukiumut pilersaarusiorfiusumut missingersuusiolfiusunullu aningaasartuutissanut missingersuusiaasa inaarutaasumik suliarineqarneranni oqaaseqarsinnaanatik peqataanissaminnut.

Imm. 4. Aalajangiinernut imaqarniliat § 16 naapertorlugu maleruagassat aningaasaqarnermut ataatsimiititaliat sulineranni malinneqassapput. Aalajangiinermut imaqarniliaq ataatsimiinnermi peqataasunit atsiorneqarnissaa Naalakkersuisunullu nassiunneqarnissaa borgmesterip qulakkiissavaa.

Ataatsimiititaliami ilaasortat tassaassapput siulittaasoq, taannalu ataatsimiititaliami siulittaasuussalluni, kiisalu kommunalbestyrelsimi ilaasortat allat sisamat. Ilaasortanut tamanut, taamaallaat borgmesteri pinnagu, sinniisussanik qinersisoqassaaq, taakkualu ilaasortasut najuussinnaannginneranni ataatsimeeqataasinnaanngorlugit ataatsimiigiaqquneqartassapput.

Aalajangiineq

***Kommunalbestyrelsen maajip arfineq pingajuanni 2025-imi inissitsiterluni ataatsimiinnerata
02/2025 imaqarniliornera***

Suleqatigiit tulliuttut Aningaasaqarnermut Ataatsimiititaliami ilaasortaanissaat innersuuppaat:

Juliane Enoksen (IA) sinniisussaralugu Evelyn Mølgaard (S)

Gideon Lynnerth (S) sinniisussaralugu Charlotte Olsen (S)

Illuatungiliuttut tulliuttut aningaasaqarnermut ataatsimiititaliami ilasortaanissaat innersuuppaat:

Rachel Ingemann (D) sinniisussaralugu Bitten Heilmann (A)

Nathan Møller (N) sinniisussaralugu erne Olsen (D)

Innersuussutigineqartut akuersissutigineqarput.



Imm. 09 Atugarissaarnermut ataatsimiititaliami ilaasortassanik sinniisussanillu toqqaaneq

Journalnr. 01.01.00

Tunuliaqut

Kommunit aqunneqarnerat pillugu Inatsisartut inatsisaat nr. 29, 17. november 2017-meersumi § 26 malillugu kommunalbestyrelsi aammattaaq ataatsimiititalianik ataavartunik pilersitsisinnaavoq, taakkualu katitigaanissaat suliaassaallu aqutsinermut ileqqoreqqusami aalajangersarneqassaaq.

Imm. 2: Ataatsimiititaliani ataavartuni ilaasortat kommunalbestyrelsimi ilaasortat akornanni qinerneqassapput, aammalu ilaasortat tamarmik immikkut sinniisussaannik, ataatsimiititaliami ilaasortanik nalinginnaasunik ilaajunnaartoqartillugu ataatsimiititaliamut ataatsimiigartussatut aggersarneqarsinnaasunik toqqaasoqassaaq.

Inatsit tunngaviusoq

Kommunit aqunneqarnerat pillugu Inatsisartut inatsisaat nr. 29, 17. november 2017-meersoq § 27.

Ataatsimiititaliat ataavartut suleriaasii assigiipput § 3. Ataatsimiititaliap ataatsimiinnerani siullermi ataatsimiititaliaq siulittaasussaminik taassumalu tullersortissaanik toqqaassaaq. Toqqaanerit immikkoortillugit ingerlanneqassapput, nalinginnaasumillu amerlanerussuteqarneq tunngavigalugu aalajangiisoqassalluni. Ataatsimiititaliap siulittaasuanik toqqaaneq borgmester-imit aqunneqassaaq.”

Innersuussineq

Atugarissaarnermut Ataatsimiititaliaq ilaasortassanik sinniisussanillu toqqaasoqassaaq.

Aalajangiineq

Suleqatigiit tuliuttut Atugarissaarnermi Ataatsimiititaliami ilaasortaanissaat innersuuppaat:

Hans Frederik Olsen (S) sinniisussaralugu Gideon Lyberth (S)

Nivi H. Efraimsen (IA) sinniisussaralugu Juliani Enoksen (IA)

Barnabas Larsen (S) sinniisussaralugu Charlotte Olsen (S)

Illuatungiliuttut tuliuttut Atugarissaarnermi Ataatsimiititaliami ilaasortaanissaat innersuuppaat:

Steffen Johansen (N) sinniisussaralugu Bitten Heilmann (A)

Rachel Ingemann (D) sinniisussaralugu Erne Olsen (D)

Innersuussutigineqartut akuersissutigineqarput.

Ilanngussaq

Soqanngilaq

Imm. 10 Ilinniartitaanermut ataatsimiititaliami ilaasortassanik sinniisussanillu toqqaaneq

Journalnr. 01.01.00

Tunuliaqut

Kommunit aqunneqarnerat pillugu Inatsisartut inatsisaat nr. 29, 17. november 2017-meersumi § 26 malillugu kommunalbestyrelseni aammattaaq ataatsimiititalianik ataavartunik pilersitsisinnaavoq, taakkualu katitigaanissaat suliaasaallu aqutsinermut ileqqoreqqusami aalajangersarneqassaaq.

Imm. 2: Ataatsimiititaliani ataavartuni ilaasortat kommunalbestyrelsimi ilaasortat akornanni qinerneqassapput, aammalu ilaasortat tamarmik immikkut sinniisussaannik, ataatsimiititaliami ilaasortanik nalinginnaasunik ilaajunnaartoqartillugu ataatsimiititaliamut ataatsimiigiartussatut aggersarneqarsinnaasunik toqqaasoqassaaq.

Inatsit tunngaviusoq

Kommunit aqunneqarnerat pillugu Inatsisartut inatsisaat nr. 29, 17. november 2017-meersoq § 27.

Ataatsimiititaliat ataavartut suleriaasii assigiipput § 3. Ataatsimiititaliap ataatsimiinnerani siullermi ataatsimiititaliaq siulittaasussaminik taassumalu tullersortissaanik toqqaassaaq. Toqqaanerit immikkoortillugit ingerlanneqassapput, nalinginnaasumillu amerlanerussuteqarneq tunngavigalugu aalajangiisoqassalluni. Ataatsimiititaliap siulittaasuanik toqqaaneq borgmester-imit aqunneqassaaq.”

Innersuussineq

Ilinniartitaanermut Ataatsimiititaliap ilaasortassanik sinniisussanillu toqqaasoqassaaq.

Aalajangiineq

Suleqatigiit tuliuttut Ilinniartitaanermut Ataatsimiititaliami ilaasortaanissaat innersuuppaat:

Evelyn Mølgaard (S) sinniisussaralugu Gideon Lyberth (S)

Charlotte Olsen (S) sinniisussaralugu Barnabas Larsen (S)

Juliane Enoksen (IA) sinniisussaralugu Hans Frederik Olsen (S)

Illuatungiliuttut tuliuttut Ilinniartitaanermi Ataatsimiititaliami ilaasortaanissaat innersuuppaat:

Steffen Johansen (N) sinniisussaralugu Nathan Møller (N)

Erne Olsen (D) sinniisussaralugu Karl Lyberth (N)

Innersuussutigineqartut akuersissutigineqarput.

Ilanngussaq

Soqanngilaq

Imm. 11 Teknikkeqarnermut ataatsimiititaliami ilasortassanik sinniisussanillu toqqaaneq

Journalnr. 01.01.00

Tunuliaqut

Kommunit aqunneqarnerat pillugu Inatsisartut inatsisaat nr. 29, 17. november 2017-meersumi § 26 malillugu kommunalbestyrelsi aammattaaq ataatsimiititalianik ataavartunik pilersitsisinnaavoq, taakkualu katitigaanissaat suliaassaallu aqutsinermut ileqqoreqqusami aalajangersarneqassaaq.

Imm. 2: Ataatsimiititaliani ataavartuni ilaasortat kommunalbestyrelsimi ilaasortat akornanni qinerneqassapput, aammalu ilaasortat tamarmik immikkut sinniisussaannik, ataatsimiititaliami ilaasortanik nalinginnaasunik ilaajunnaartoqartillugu ataatsimiititaliamut ataatsimiigiartussatut aggersarneqarsinnaasunik toqqaasoqassaaq.

Inatsit tunngaviusoq

Kommunit aqunneqarnerat pillugu Inatsisartut inatsisaat nr. 29, 17. november 2017-meersoq § 27.

Ataatsimiititaliat ataavartut suleriaasii assigiipput § 3. Ataatsimiititaliap ataatsimiinnerani siullermi ataatsimiititaliaq siulittaasussaminik taassumalu tullersortissaanik toqqaassaaq. Toqqaanerit immikkoortillugit ingerlanneqassapput, nalinginnaasumillu amerlanerussuteqarneq tunngavigalugu aalajangiisoqassalluni. Ataatsimiititaliap siulittaasuanik toqqaaneq borgmester-imit aqunneqassaaq.”

Innersuussineq

Teknikkeqarnermut Ataatsimiititaliap ilaasortassanik sinniisussanillu toqqaasoqassaaq

Aalajangiineq

Suleqatigiit tulluuttut Ilinniartitaanermut Ataatsimiititaliami ilaasortaanissaat innersuuppaat:

Hans Frederik Olsen (S) sinniisussaralugu Barnabas Larsen (S)

Gideon Lyberth (S) sinniisussaralugu Charlotte Olsen (S)

Nivi Heilmann Eframsen (IA) sinniisussaralugu Juliane Enoksen (IA)

Illuatungiliuttut tulluuttut Ilinniartitaanermi Ataatsimiititaliami ilaasortaanissaat innersuuppaat:

Karl Lyberth (N) sinniisussaralugu Jens “Meeraq” Lyberth (N)

Bitten Heilmann (A) sinniisussaralugu Rachel Ingemann (D)

Innersuussutigineqartut akuersissutigineqarput.

Ilanngussaq

Soqanngilaq

Imm. 12 Aalisarnermut Piniarnermullu ataatsimiititaliami ilasortassanik sinniisussanillu toqqaaneq

Journalnr. 01.01.00

Tunuliaqut

Kommunit aqunneqarnerat pillugu Inatsisartut inatsisaat nr. 29, 17. november 2017-meersumi § 26 malillugu kommunalbestyrelsi aammattaaq ataatsimiititalianik ataavartunik pilersitsisinnaavoq, taakkualu katitigaanissaat suliaasaallu aqutsinermut ileqqoreqqusami aalajangersarneqassaaq.

Imm. 2: Ataatsimiititaliani ataavartuni ilaasortat kommunalbestyrelsimi ilaasortat akornanni qinerneqassapput, aammalu ilaasortat tamarmik immikkut sinniisussaannik, ataatsimiititaliami ilaasortanik nalinginnaasunik ilaajunnaartoqartillugu ataatsimiititaliamut ataatsimiigartussatut aggersarneqarsinnaasunik toqqaasoqassaaq.

Inatsit tunngaviusoq

Kommunit aqunneqarnerat pillugu Inatsisartut inatsisaat nr. 29, 17. november 2017-meersoq § 27.

Ataatsimiititaliat ataavartut suleriaasii assigiipput § 3. Ataatsimiititaliap ataatsimiinnerani siullermi ataatsimiititaliaq siulittaasussaminik taassumalu tullersortissaanik toqqaassaaq. Toqqaanerit immikkoortillugit ingerlanneqassapput, nalinginnaasumillu amerlanerussuteqarneq tunngavigalugu aalajangiisoqassalluni. Ataatsimiititaliap siulittaasuanik toqqaaneq borgmester-imit aqunneqassaaq."

Innersuussineq

Aalisarnermut Piniarnermullu Ataatsimiititaliap ilaasortassanik sinniisussanillu toqqaasoqassaaq.

Aalajangiineq

Suleqatigiit tuliuttut Ilinniartitaanermut Ataatsimiititaliami ilaasortaanissaat innersuuppaat:

Juliane Enoksen (IA) sinniisussaralugu Nivi Heilmann Efraimsen (IA)

Evelyn Mølgaard (S) sinniisussaralugu Gideon Lyberth (S)

Charlotte Olsen (S) sinniisussaralugu Barnabas Larsen (S)

Illuatungiliuttut tuliuttut Ilinniartitaanermi Ataatsimiititaliami ilaasortaanissaat innersuuppaat:

Jens "Meeraq" Lyberth (N) sinniisussaralugu Steffen Johansen (N)

Nathan Møller (N) sinniisussaralugu Karl Lyberth (N)

Innersuussutigineqartut akuersissutigineqarput.

Ilanngussaq

Soqanngilaq

**Imm. 13 Kommunalbestyrelsimut, nunaqarfinni aqutsisunut ilagiillu sinniisaannut
qinersinermik siulersuisunut ilaasortassanik qinersineq**

Qinersinermik siulersuisoqarnissaq peqqussutaavoq, kommunalbestyrelsinut nunaqarfinnilu aqutsisunut qinersineq pillugu Inatsisartut inatsisaanni nr. 27-imi, 28. november 2016-imeersumi § 9, imm. 1 naapertorlugu pilersinneqassalluni.

Qinersinermik siulersuisunut ilaasortaasut tassaassapput borgmesteri kommunalbestyrelsimullu ilaasortat ikinnerpaamik pingasut kommunalbestyrelsimit qinerneqartut. Qinersinermik siulersuisunut borgmesteri siulittaasuusaaq.

Kommunalbestyrelsimut ilaasortaq qinersinissamut qinigassanngortittoq, tamanna pissutigalugu qinersinermik siulersuisunut qinerneqarsinnaaneranut mattunneqarsinnaanngilaq.

Qinersinermi siulersuisut kommunalbestyrelsimut, nunaqarfinni aqutsisunut ilagiillu sinniisaannut qinersineq aqunnissaa, pilersaarusiornissaa ingerlannissaalu sulissarivaat.

Aalajangiineq

Ilaasortassatut innersuunneqarput:

Malik Berthelsen

Juliane Enoksen

Erne Olsen

Jens "Meeraq" Lyberth

Bitten Heilmann

Innersuusutigineqartut akuersissutigineqarput.

Ilanngussaq

Ilanngussaqanngilaq

Imm. 14 Inatsisartunut qinersinermut siulersuisunut ilaasortassanik qinersineq

Inatsisartunut qinersinissamut Inatsisartut inatsisaat naapertorlugu Kommunalbestyrelsi qinersinermik siulersuisunik taasissaaq, Inatsisartunut qinersinissamik qinersivimmi piareersaasussanik aqutsisussanillu.

Qinersinermik siulersuisunut ilaasortaassapput borgmesteri, siulittaasuusoq kiisalu kommunalbestyrelsimut ilaasortat marluk qanoq amerlatigisunik ilaasortaataqarneq tunngavigalugu kommunalbestyrelsimit qinikkat. Kommunalbestyrelsimi ilaasortaaqatigiit pineqartumik toqqaasimasut sinniisussamik toqqaassapput.

Qinersinermik siulersuisunut ilaasortaq qinigassanngortippat ilaasortaq pineqartoq qinersinermik siulersuisunut ilaasortatut tunuassaaq sinniisussatullu toqqaq qinersinermik siulersuisunut ilaasortanngorluni. Kommunalbestyrelsimi ilaasortaaqatigiit pineqartumik toqqaasimasut akunnerminni sinniisussamik nutaamik toqqaassapput.

Qinersinermik siulersuisunut ilaasortatut toqqaarneqartut atuuffimmut akuersinissaminut pisussaaffeqarput.

Aalajangiineq

Ilaasortassatut innersuunneqarput:

Malik Berthelsen

Charlotte Olsen

Bitten Heilmann

Innersuusutigineqartut akuersissutigineqarput.

Imm. 15 Sisimiuni Kulturikkut illorsuup Taseraliup siulersuisuinut ilaasortassanik qinersineq

Sisimiuni kulturikkut illorsuaq, Taseralik, kulturikkut ineriartornermik uummaarissaanermik ineriartortitseqataanissamik siunertaqarpoq, ilaatigut filmertitsinerit, isiginnaartitsinerit, nipilersortitsinerit, saqqummersitsinerit, ataatsimiisitsinerit, ataatsimeersuartitsinerit il.il. ingerlataralugit.

Taseraliup malittarisassaani §5 naapertorlugu siulersuisuni tallimaasuni marluk kommunalbestyrelsimut ilaasortanik taakkualu sinniisussaannik marlunnik toqqaasoqassaaq.

Siulersuisunut ilaasortat allat inunnit suliffeqarfinnit allanilluunniit kommunalbestyrelsimut attuumassuteqanngitsunit toqqarneqartassapput.

Kommunalbestyrelsi marlunnik Taseralimmi siulersuisunut ilaasortassanik taakkualu sinniisussaannik toqqaassaaq.

Aalajangiineq

Suleqatigiit innersuuppaat:

Inuuteq Bech sinniisussaralugu René Fleischer

Vivi Høy Labansen sinniisussaralugu Winnie Ingemann

Amerlanerussuteqartut suleqatigiit innersuunneqartut akuersissutigivaat.

Illuatungiliuttut taaseqataangilat.

Ilanngussaq

1. Taseraliup ileqqoreqqusai

Imm. 16 Sisimiuni Timersortarfiup siulersuisuinit ilaasortassanik qinersineq

Sisimiuni Timersortarfiup siunertaraa aqqissuussat pingaarnertut siuarsarnissaat kiisalu pisussaaffigalugu ulluinnarni atuarfiit timersormermik ilinniartitsineranni timersortarfiup atugassiissutiginnissaa.

Sisimiuni Timersortarfiup malittarisassaanni §3 naapertorlugu tallimanik siulersuisoqassaaq Sisimiuni najugalinnit, taakkunani marluk sinniisussallu marluk Qeqqata Kommunalbestyrelsianit qinerneqassapput.

Aalajangiineq

Suleqatigiit innersuuppaat:

Qulutak Møller sinniisussaralugu Charlotte Olsen

Jan Kristian Olsen sinniisussaralugu Krister Støvlbæk

Amerlanerussuteqartut suleqatigiit innersuunenqartut akuersissutigivaat.

Illuatungiliuttut taaseqataanngilat.

Ilanngussaq

1. Sisimiuni timersortarfiup ileqqoreqqusai

Imm. 17 Maniitsup Timersortarfiata siulersuisuinit ilaasortassanik qinersineq

Maniitsup Timersortarfia imminut aningaasatigut ingerlattuvoq, taannalu siulersuisoqarpoq tallimanik ilaasortaqaqtumik. Maniitsup Timersortarfiata siunertaraa aaqqissuussanik piviusunngortitsinissamut periarfissiinissaq, pingaarnerpaatillugu timersornermik siuarsaanissaq.

Maniitsup Timersortarfiata malittarisassaani §3 naapertorlugu ilaasortat marluk sinniisussallu marluk kommunalbestyrelsimi toqqarneqassapput. Toqqarneqartut §3 imm. 3 naapertorlugu Maniitsumi najugaqartuussapput.

Inatsisitigut tunngavioq: Timersortarfiit imminnut aningaasatigut ingerlattut pillugit Namminersornerullutik Oqartussat kaajallaasitaat

Aalajangiineq

Suleqatigiit innersuuppaat:

Gideon Lyberth sinniisussarlugu Nivi Graversen

Aqqalu Skifte sinniisussarlugu Peter Poulsen

Amerlanerussuteqartut suleqatigiit innersuunneqartut akuersissutigivaat.

Illuatungiliuttut taaseqataanngilat.

Ilanngussaq

1. Maniitsumi Timersortarfiup ileqqoreqqusai

Imm. 18 Maniitsup Katersortarfiata siulersuisuinut ilaasortassanik qinersineq



Imm. 19 "Maniitsumi Naluttarfik"-mut ilaasortassamik qinersineq

Journalnr. 01.04.00

Baggrund

Peqatigiiffiup Maniitsumi Naluttarfiup siunertaraa Maniitsumi naluttarfittaarnissap piviusunngortinneqarnissaa.

Peqatigiiffiup "Maniitsumi Naluttarfik"-up malittarisassani § 4 imm. 3, G1 malillugu, Qeqqata kommunalbestyrelsianit ilaasortassamik ataatsimik, taassumalu inuttut sinnisussaani, Qeqqata Kommunalbestyrelsianit toqqaasoqassaaq. Toqqarneqartut Maniitsumi najugaqartuussapput.

Aalajangiineq

Gideon Lyberth sinnisussaralugu Nathan Møller
Innersuussutigineqartut akuersissutigineqarput.

Ilanngussaq

1. Maniitsumi Naluttarfiup ileqqoreqqusai

**Imm. 20 Sisimiuni Knud Rasmussenip Højskoleata siulersuisuinit ilaasortassamik
qinersineq**

Knud Rasmussenip Højskoleata siunertaraa ilinniartut qaammarsarneqarnissaat atuartinneqarnissaallu, tassuunakkullu minnerunngitsumik inuiaat kalaallit aammalu naggueqatigiit Inuit kulturikkut kingornussarsiaat, immikkut ilisarnaataat atatinniassallugit ineriikkiartortissallugillu, kalaallillu inuiaqatigiit akornanni sulinissaannut pikkorissarniassallugit. Aammattaaq højskolip siunertaraa sivikitsumik pikkorissartitsinernik, qaammarsaanernik assigisaanillu ingerlatsineq, ilaatigut inuiaqatigiinni soqutigisaqatigiiffiit peqatigiiffiillu suleqatigalugit.

Højskole siulersuisunit arfineq pingasuusunit oqartussaaffigineqarlunilu aqunneqarpoq, taakkunanani kommunalbestyrelsimi ataaseq toqqarneqassaaq.

Aalajangiineq

Suleqatigiit innersuussutigaat:
Dorthe Katrine Olsen

Amerlanerussuteqartut suleqatigiit innersuunneqartoq akuersissutigivaat.

Illuatungiliuttut taaseqataanngilat.

Ilanngussaq

1. Knud Rasmussenip Højskoleata ileqqoreqqusai

Imm. 21 Arctic Circle Race-imut siulersuisunut ilaasortassamik qinersineq

Arctic Circle Racep siunertaraa ukiut tamaasa nunarsuaq tamakkerlugu peqataaffigineqartumik ujakkaarluni sukkanniuunnermik Sisimiuni ingerlatsineq, taamatullu Sisimiut Kalaallillu Nunaat nunarsuaq tamakkerlugu nittarsaannissaa.

Peqatigiiffiup siulersuisuini arfineq marluusuni ataaseq kommunalbestyrelsimit toqqarneqassaaq.

Aalajangiineq

Suleqatigiit innersuuppaat:

Maibritt Lennert

Amerlanerussuteqartut suleqatigiit akuersissutigivaat.

Illuatungiliuttut taaseqataanngilat.

Ilanngussaq

1. Arctic Circle Race-ip ileqqoreqqusai

**Imm. 22 Aningaasaqarnermut ataatsimiititaliap kommunalbestyrelsillu 2025-imi
ataatsimiiffissaannut siunnersuut**

Journalnr. 01.01.01

Aningaasaqarnermut ataatsimiititaliap kommunalbestyrelsillu 2025-imi ukiup sinneranut
ataatsimiiffissaannut siunnersuut.

Allamik nalunaartoqarsimatinnagu ataatsimiinnerit tamarmik nal 8:30 aallartittassapput oqarasuaa-
tikku/videokonferenciluunniit atorlugu ingerlanneqartassallutik.

Aningaasaqarnermut ataatsimiititaliaq	Kommunalbestyrelsi
	08. maj inissititerneq + aqutsinermi ileqqoreqqusap siullermeenera
	22. maj – aqutsinermi ileqqoreqqusap aappassaaneenera
17. juni	
19. august	23. – 24. september – Missingersuutissat pillugit isumasioqatigiinneq 25. september – KB
21. oktober – 2026-imut missingersuutit siullermeeneri	30. oktober – 2026-imut missingersuutissat siullermeeneri
18. november – 2026-imut missingersuutit aappassaaneeneri	27. november - 2026-imut missingersuutissat aappassaaneeneri
16. december	

Innersuussut

Qullersaqarfiup innersuussutigaa, ataatsimiiffissat siuliani taaneqartut kommunalbestyrelsimit
akuerineqassasut.

Aalajangiineq

Ullui qallunaatuani kalaallisuanilu assigiinngitsut iluarsisassat eqqaasitsissutigineqarput.

Ilanngussaq

1. 2025-imut ullorsiutit



Imm. 23 Tamalaat

Ataatsimiinneq naammassippat ataatsimiititaliat ataasiakkaarlutik ilissitsitertussaapput.
Aqqartarfinni KB-mi ilaasortat ataatsimoorlutik assilisissapput.

Ataatsimiinneq naammassivoq nal. 14.04